



LE PRODUT REGIONAL É PLÜ CER CO CHÈL INTERNAZIONAL: CO TE COMPORTESTE PA?



Vigni sabeda él sön plaza le marcé di paur. Tim vá gonot cun so nene a cumpré produc frësc y local sön chësc marcé. Chësc iade mëssel cumpré 3 kg de poms da fá na turta, ára dit süa mama. Tim vá ion a fá chësc deache bele le pinsier dla turta da poms ti fej gní na gola mata. Do che al á confronté n pü' i prisc cumprele i poms dal marciadënt che i vënn a 3,50 euro al chilo. Spo vál cun le nene al supermarcé por cumpré ite ciamó val' atra cossa. Dailó se intënn Tim che dötes les sorts de poms é miú marcé y costa incër 2,50 euro al chilo. Sön les pices tofles él scrit che ai vëgn dala Spagna o cinamai dal Sudafrica. Ostro ve! Sön le marcé ái dé fora plü scioldi por i poms! Chiló essi costé cotan de manco! Le proscimo iade jarái a i cumpré tl supermarcé y cun i scioldi che i me sparagni me cumpri na ciuchelada. Le nene le calma y dij: **"Proa madër n pü' da ponsé sura ..."**.

